



Las ultimas maestranzas svizras da paravoul han gnuü lö a Mustèr, quista jada hana lö in Engiadina Bassa (fotografia: Martin Scheel).

Maestranza da paravoul

Resguardond l'ambiaint e la natüra

Sport | | 02.06.22 | Engiadina Bassa Scuol Schweiz

Dals 27 gün fin als 3 lügl ha lö il Swiss Open da paravoul a Scuol. Ils organisatuors da la società Corniglias d'Engiadina fan quint cun 120 partecipantas e partecipants. Per la prüma jada daja eir üna concurrenz per juniors.

Da lündeschdi, ils 27 gün fin dumengia, ils 3 lügl, han lö las maestranzas svizras Swiss Open da paravoul a Scuol. Quai es üna da differentas disciplinas da paravoul. Fin hoz s'han annunzchadas 108 partecipantas e partecipants. Ils organisatuors da la società Corniglias d'Engiadina, cun Corsin Biert sco president, han limità la partecipaziun sün 120 persunas. «Per daplü nu vaina piazza», disch il president dal comitè d'organisaziun. El s'allegra fich ferm sün quist evenimaint tuottafat special, «in ün dals plü bels lös per svolar in Svizra». Uschè as declera'l eir il fich grond interess per quist Swiss Open in Engiadina Bassa. Fingià ün mais ouravant daja be amo pacas plazzas per as partecipar.



quinta, daja una partenza collectiva i'l ajer: «Cur cha tuots sun i'l ajer daina il tun da partenza e lura han ils parasvoladers il böt da svolar pro las differentas bojas ed inavo al böt.» Quai chi quinta finalmaing es il temp per quist parcours. Per ragiundscher il böt saran las partecipantas ed ils partecipants minchadi duos fin trais uras i'l ajer. «Da lündeschdi fin sonda ha lö mincha di ün svoul (task), a la fin quintan ils quatter megliders tasks pel classamaint», quinta il perit. Sper la concurrenza per parasvoladras e parasvoladers, ha lö la prüma jada eir üna maestranza da juniors a partir da 16 ons.

Sco cha Corsin Biert quinta, saja per quist'occurrenza eir l'experiencia fich importanta. Chi's stopcha observar la natüra, las nüvlas e'l sulai, e chattar la termica adattada per ragiundscher il böt. Mincha parasvolader ha a disposizun ün variometer chi dà las infuormaziuns importantas e muossa las coordinatas da las bojas. Da l'experiencia da svolar in Engiadina po sgüra profitar eir il perit engiadinalis Curdin Roner. Per Corsin Biert sarà quai ün dals favorits indigens, sch'el as decida insomma da partecipar.

Effet turistic ed economic

Las maestranzas svizras a Scuol vegnan accumpagnadas da plüs arrandschamaints. Per exaimpel vegnan organisats minchadi svouls da tandem e da marcurdi fin dumengia han lö eir Festivals, ingio cha'ils parasvoladers pon provar different material da paravoul. In venderdi e sonda han lö eir concerts e shows d'acrobatica i'l ajer. Cun quist **program accumpagnant** vöglan ils organistuors rablar nanpro eir parasvoladers chi nun as partecipeschan al Swiss Open, ma chi vöglan verer che chi capita illa scena. Corsin Biert es persvas, cha quist evenimaint maina üna gronda creaziun da valur persistenta illa regiun, tantplü cha l'Engiadina Bassa es cuntschainta in tuot la Svizra sco lö excellent da paravoul. «Blers da quels chi sun quia pel Swiss Open tuornaran darcheu», disch el cun persvasiun e suottastricha eir l'effet turistic da quist evenimaint.

Resguardar zonas criticas

E scha Corsin Biert discuorra da persistenza, schi manaja'l eir cha per ün simil arrandschamaint nun esa da far ingünas investiziuns d'infrastructura. «Nus svolain quiet i'l ajer e nu dovrain ne nouvas sendas ne nouvas vias», quinta'l.

Ils organistuors han dafatta contactà l'Uffizi da chatscha e pes-cha chantunal – adonta d'avair il permiss da l'Uffizi federal d'aviatICA – per sclerir ingio chi existan zonas criticas, ingio chi füss d'évitar da sursvolar. «Nus vain tscherchà la collavuraziun per sclerir per exaimpel ingio chi vivan chamuotschs pertocs da la malatia d'orbantüm, o gnieus d'utschels da rapina, ed oter plü.» Ün pa surprais sun stats ils organistuors da surgnir d'incuort üna carta cun üna zona cotschna sur bod tuot il Grischun. «Nus provain da resguardar ils giavüschs da l'uffizi ingio chi'd es pussibel ed ingio chi fa sen», imprometta Corsin Biert. «Però dapertuot nu saraja adüna pussibel», deplorescha'l e spera sün l'incletta davart da l'uffizi.

Tenor il president dal comité d'organisaziun sun las laviors preparatoricas bain avanzadas ed el s'allegra da bivgnantar cun sia società da corniglias bainbod il muond svizzer da paravoul a Scuol.


Text: Nicolo Bass

Noch keine Kommentare

einen neuen Kommentar verfassen



«INFO» Die Gemeinden auf einen Blick



MEHR INFOS HIER

Engadiner Post
POSTA LADINA



Kontakt

Medienhaus
Telefon +41 81 837 90 00
info@gammetermedia.ch

Redaktion St. Moritz
Telefon +41 81 837 90 81
redaktion@engadinerpost.ch

Werbemarkt:
Telefon +41 81 837 90 00
werbemarkt@gammetermedia.ch

Angebote

Abos
Print
Digital
Mutationen

Service

E-Paper «EP-Digital»
Archiv
Digitalisierung

Inserieren

Mediendaten / Werbemarkt
Onlinewerbung

Trauer

Todesanzeigen
Ratgeber

Engadiner Post/Posta Ladina | Datenschutz und Impressum | Kontakt | © Gammeter Media AG,
gammetermedia.ch